

# Reglament per far diever dallas vias d'uaul cun vehichels a motor per la vischnaunca da Schlans

---

Sebasond sin art. 15 dalla lescha d'uaul federala, art. 20 dalla lescha d'uaul cantunala ed art. 16 dall'ordinaziun tier la lescha d'uaul cantunala, relai la vischnaunca da Schlans las suandontas prescripziuns.

## **Art. 1 Via d'uaul cun scamond da carrar**

Las vias d'uaul „**Runcalatsch - Pradas – Alp Schlans - Prada Plauna - Plaunca Dira**“ ed „**Uaul dadens Prada**“ surveschan all'economia forestala ed all'agricultura. Ei vegn decretau in scamond da carrar per vehichels a motor (signal 2.14) cun las excepziuns tenor art. 2 e 3 da quest reglament:

## **Art. 2 Excepziuns senza lubientscha**

Negina lubientscha ei necessaria per:

- a) Tut ils viadis da survetsch dalla polizia, dil survetsch forestal ed agricol, dils guardiacatscha, dalla sanitad, dils pumpiers, dils guardians d'ieli e da chemia, viadis per ademplir activitads ufficialas u legalas (ex. spazzatgamin, inspecziun dalla cumissiun da fiug, dertgira per uatgas etc.) sco era viadis en survetsch dalla confederaziun, cantun e vischnaunca;
- b) viadis da miedis e da veterinaris en activitad professiunala;
- c) viadis che vegnan ordinai d'in post cumpetent a caschun d'accidents, d'incendis e da catastrofas;
- d) viadis pil transport da selvaschinas d'ungla fessa sittadas.

## **Art. 3 Excepziuns cun l'obligaziun d'haver ina lubientscha**

La suprastonza communal dat sin damonda lubientschas da carrar sin la via d'uaul „**Runcalatsch-Pradas-Alp Schlans**“ per:

- a) vehichels da proprietaris da beins immobigliars e d'affittaders pigl access a lur schischoms;
- b) vehichels da furniturs, da glieud da professiun, d'ustiers da camonas, da concessiunaris etc. per practicar lur activitad;
- c) apportaders per intents determinai sco il transport ed investa da lenna, per far visetas a pasturs, per far visetas en camonas, per far visetas a proprietaris e affittaders da schischoms, per gidar a far fein etc.;
- d) vehichels da personas impedidas dad ir a pei.

#### **Art. 4 Taxas**

Ei vegn incassau suandontas spensas per tschentar ora la lubientscha:

- a) lubientscha per in onn sin via per vehichels tochen 3.5 t frs. 50.00
- b) lubientscha per in meins sin via per vehichels tochen 3.5 t frs. 20.00
- c) lubientscha per in di sin via per vehichels tochen 3.5 t frs. 7.00
- d) vehichels a motor cun duas rodas pagan la mesadad
- e) vehichels sur 3.5 t pagan il dubel da questas tariffas

La lubientscha per in di vala per ir e turnar. Ella ei valeivla naven dil datum d'emissiun maximalmein treis dis.

La suprastonza communal ordinescha la vendita dallas cartas/lubientschas.

Ina lubientscha ei buca transmissibla. Ella ei da plazzar bein visibla vid il vehichel.

Per vehichels sur 3.5 t sa la suprastonza communal incassar a norma dalla stabilitad dalla via e dalla frequenza ina contribuziun per mantener supplementarmein la via.

#### **Art. 5 Prescripziuns specialas**

La suprastonza communal sa scumandar tut ils viadis en cass da relaziuns disfaveivlas dallas vias u relaschar restricziuns per in cert temps e/u per certas categorias da vehichels.

Barrieras, geinas ni seivs ein da serrar suenter scadin passadi.

Dil territori cunfinont allas vias astga ei buca vegnir fatg diever cun vehichels. Parcar e cruschar astga succeder sulettamein en loghens previ ed adattai persunter.

#### **Art. 6 Disposiziuns penalas**

Surpassaments da quest reglament vegnan castigai dalla suprastonza communal cun ina multa da tochen fr. 1'000.-, en cass da repetiziun tochen fr. 5'000.-.

Igl abus dalla lubientscha sa haver sco consequenza la privaziun permanenta u temporala da quella.

#### **Art. 7 Execuziun**

L'execuziun da quest reglament ei caussa dalla suprastonza communal. Ella sa delegar quella cumpetenza a funcziunaris communal.

## **Art. 8 Publicaziun e signalisaziun**

Las excepziuns e las restricziuns da traffic ch'ei vegnidas relaschadas cun quei reglament ein da publicar. La signalisaziun ha da succeder en cunvegnientscha cun la polizia cantunala da traffic.

## **Art. 9 Vigur**

Quest reglament va en vigur suenter l'approbaziun dils signals da prescripziun tras il departament da giustia, polizia e sanita e suenter che las signalisaziuns corrispundentas ein vegnidas plazzadas el liug (art. 13 al. 2 QECG tier la LTV).

Il reglament ei vegniu approbaus dalla radunonza communal, ***ils 12 d'avrel 2002***

### **Per la vischnaunca da Schlans**

Il president communal:  
*Reto Pfister*

Il canzlist communal:  
*Rafael Demont*

Approbau dil departament da giustia, polizia e sanita dil cantun Grischun